

礼记

卷一
十册

禮

記

禮記集說序

前聖繼天立極之道莫大於禮。後聖垂世立教之書亦莫先於禮。禮儀三百威儀三千孰非精神心術之所寓。故能與天地同其節。四代損益世遠經殘其詳不可得聞矣。儀禮十七篇戴記四十九篇先儒表章庸學遂爲千萬世道學之淵源。其四十七篇之文雖純駁不同。然義之淺深同異誠未易言也。鄭氏祖識緯孔疏惟鄭之從雖有他說不復收載固

爲可恨。然其灼然可據者不可易也。近世應氏集解於雜記大小記等篇皆闕而不釋。噫。慎終追遠其關於人倫世道非細故而可略哉。先君子師事雙峰先生十有四年。以是經三領鄉書。爲開慶名進士。所得於師門講論甚多。中羅煨燼。隻字不遺。不肖孤僭不自量。會萃衍繹而附以臆見之言。名曰禮記集說。蓋欲以坦明之說使初學讀之卽了其義。庶幾章句通則蘊奧自見。正不必高爲議論而

卑視訓故之辭也。書成甚欲就正于四方有道之士。而衰年多疾。遊歷良艱。姑藏巾笥。以俟來哲。治教方興。知禮者或有取焉。亦愚者千慮之一爾。至治壬戌良月。旣望後學東匯澤陳澹序。



禮記篇目

第一卷

曲禮上第一

曲禮下第二

第二卷

檀弓上第三

檀弓下第四

第三卷

王制第五

月令第六

第四卷

曾子問第七

文王世子第八

禮運第九

第五卷

禮器第十

郊特牲第十一

內則第十二

第六卷

玉藻第十三

明堂位第十四

喪服小記第十五

大傳第十六

少儀第十七

學記第十八

第七卷

樂記第十九

雜記上第二十

雜記下第二十一

第八卷

喪大記第二十二

祭法第二十三

祭義第二十四

祭統第二十五

經解第二十六

第九卷

哀公問第二十七

仲尼燕居第二十八

孔子閒居第二十九

坊記第三十

中庸第三十一

朱子章句

表記第三十二

緇衣第三十三

奔喪第三十四

第十卷

問喪第三十五

服問第三十六

閒傳第三十七

三年問第三十八

深衣第三十九

投壺第四十

儒行第四十一

大學第四十二

朱子章句

冠義第四十三

昏義第四十四

鄉飲酒義第四十五

射義第四十六

燕義第四十七

聘義第四十八

喪服四制第四十九



禮記卷之一

陳澧集說

曲禮上第一

經曰曲禮三千言節目之委曲其多如是也此卽古禮經之篇名後人以編簡多故分爲上下。○張子曰物我兩盡自曲禮入。

曲禮曰毋不敬儼若思安定辭安民哉

毋禁

○朱子曰首章言君子脩身其要在此三者而其效足以安民乃禮之本故以冠篇。○范氏曰經禮三百曲禮三千可以一言蔽之曰毋不敬。○程子曰心定者其言安以舒不定者其辭輕以疾。○劉氏曰篇首三句如曾子所謂君子所貴乎道者三而籩豆之事則有司存之意蓋先立乎其大者也毋不敬則動容貌斯遠暴慢矣儼若思則正顏色斯近信

矣。安定辭則出辭氣，斯遠鄙倍矣。三者脩身之要，爲政之本。此君子脩己以敬，而其效至於安人。安百姓也。○母與敖不可長，欲不可無通。下同冠。去聲。遠。去聲。朱子曰：此篇雜取諸篇，雖大意相似，而文不連屬。如首章四句，乃曲禮古經之言。敖不可長，以下四句，不知何書語。又自爲一節，皆禁戒之辭。○應氏曰：敬之反爲敖，情之動爲欲。志滿則溢，樂極則反。○敖，去聲。長，上聲。賢者狎而敬之，畏而愛之。從。音縱。樂。音洛。

愛而知其惡，憎而知其善。積而能散，安安而

能遷。朱子曰：此言賢者於其所狎，能敬之。於其所憎，能知其善。雖積財而能散施，雖安安而能徙義，可以爲法。與上下文禁戒之辭不

其所憎，能知其善。雖積財而能散施，雖安安而能徙義，可以爲法。與上下文禁戒之辭不

同。○應氏曰：安安者，隨所安而安也。臨財母

苟得，臨難母苟免。很母求勝，分母求多。母苟

利思義也。母苟免，守死善道也。很，母求勝，忿

思難也。分母求多，不患寡而患不均也。況求

勝者，未必能勝。求多者，未必能多。徒爲失己也。

○難分並去聲。疑事母質，直

而勿有。朱子曰：兩句連說，爲是。疑事母質，卽

謂陳我所見，聽彼決擇，不可據而有之。專務

強辯，不然，則是以身質言語矣。○少，去聲。

若夫坐如尸，立如齊。莊疏曰：尸居神位，坐必矜

人之倚立，多慢不恭。雖不齊，亦當如祭前之

齊。○朱子曰：劉原父云：此乃大戴禮曾子事

父母篇之辭。曰：孝子惟巧變，故父母安之。若

夫坐如尸，立如齊，弗訊不言，言必齊色。此成

人之善者也。未得爲人子之道也。此篇蓋取
彼文。而若夫二字失於刪去。鄭氏不知其然。
乃謂此二句爲丈夫之事。誤矣。夫音扶。後
俱倣此。齊音齋。疏去聲。後亦倣此。齊色之齊
如禮從宜使從俗。鄭氏曰。事不可常也。呂
大時者。禮之變。體常盡變。則達之天下。周旋
無窮。應氏曰。大而百王。百世質文損益之
時。小而一事一物。泛應酬酢之節。又曰。五方
皆有性。千里不同風。所以入國而必問俗也。
○使去聲。泛。夫禮者所以定親疏。決嫌疑。別
應之應。去聲。夫禮者所以定親疏。決嫌疑。別
同異。明是非也。疏曰。五服之內。大功以上。服
爲疏。若妾爲女君期。女君爲妾若服之。則太
重。降之。則有舅姑爲婦之嫌。故全不服。是決
嫌也。孔子之喪。門人疑所服。子貢請若喪父
而無服。是決疑也。本同今異。姑姊妹是也。本

異今同。世母叔母及子婦是也。得禮爲是。失禮爲非。若主人未小斂。子游裼裘而弔。得禮是也。曾子襲裘而弔。失禮非也。○別必列切。爲女爲妾爲婦之爲。去聲。期音基。斂去聲。禮不妄說人不辭費。正。況妄乎。不妄悅人。則知禮矣。躁人之辭多。君子之辭達意則止。言者煩。聽者必厭。○說音悅。處上聲。禮不踰節不侵侮不好狎。讓。好狎則忘敬。三者皆叛禮之事。不如是。則有以持其莊敬純實脩之誠而遠於恥辱矣。○好去聲。遠去聲。身踐言謂之善行。行脩言道禮之質也。所以人之爲人。言行而已。忠信之人。可以學禮。故曰禮之質也。○鄭氏曰。言道言合於道也。○行去聲。禮聞取於人不聞取人。禮聞來學不聞往。